

Sed misera Alcmēna septem diēs laborābat. Deinde octāvō diē  
geminōs puerōs, Herculem et Iphiclem peperit. Iam Iūnō infāntem  
Herculem necāre temptāvit. Duōs ingentēs ācrēsque serpentēs in  
geminōs mīsit. Infāntēs in cūnābulīs dormiēbant. Iphiclēs ē somnō  
sē excitāvit et terrōre **vāgīvit**. Vāgītus frātris Herculem excitāvit.<sup>25</sup>

Sed Herculēs nōn timēbat; immō **serpentēs** manibus prehendit et  
strangulāvit. Intereā Amphitryōn vāgitūs audīvit, gladium  
prehendit,

et in cubiculum cucurrit. Ibi mīrum spectāculum **vīdit**: Herculēs  
sedēbat et ante sē duōs mortuōs serpentēs tenēbat. Infāns etiam  
rīdēbat et patrī serpentēs praebēbat. Tum Amphitryōn vērītātem <sup>30</sup>  
intellēxit: Herculēs erat vērus fīlius Iovis. Vātēs Tīresiās quoque  
praenūntiāvit: “Mox Herculēs magnīs factīs magnam glōriam sibi  
sed etiam magnum dolōrem efficiet.”